

Broj: 04-2-539/2023
Sarajevo, 28.02.2023. godine

Na osnovu člana 47. stav 9., stav 10., stav 11. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo broj: 15/22), Komisija za izbor najpovoljnije ponude za ekskurziju u školskoj 2022/2023. godine na II sastanku održanom 27.02.2023. godine donosi

ODLUKU

o izboru Agencije – najboljeg ponuđača

1. Prihvata se kao najbolja ponuda ponuđača „**BABIĆ – BISSTOURS**“ **D.O.O iz Zenice** pristigle na osnovu dostavljenog zahtjeva za dostavu ponuda za pružanje usluga izvođenja ekskurzije u školskoj 2022/2023. godini.
2. Odluka je donesena jednoglasno i stupa na snagu danom donošenja.

O b r a z l o ž e n j e

Komisija za izbor najpovoljnije ponude za ekskurziju u školskoj 2022/2023. godini imenovana je Odlukom Školskog odbora JU Srednja medicinska škola Sarajevo broj: 01-1-4981/2022 od 26.12.2022. godine.

Nakon odabranog postupka „prikupljanje ponuda“ od strane Nastavničkog vijeća JU Srednja medicinska škola Sarajevo, zahtjevi za dostavljanje ponuda su upućeni na tri adrese agencija shodno članu 47. stav 3. tačka b) Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo broj: 15/22) i to: „Babić-Bisstours“ d.o.o. Zenica, Divan-Karupović d.o.o. Travnik i „Almy travel“ d.o.o. Zenica.

U ostavljenom roku na adresu JU Srednja medicinska škola Sarajevo pristigle su tri ponude i to od: „Babić-Bisstours“ d.o.o. Zenica, Divan-Karupović d.o.o. Travnik i „Almy travel“ d.o.o. Zenica.

Komisija za izbor je na II sastanku održanom 27.02.2023. godine pristupila otvaranju ponuda i stručnoj ocjeni ponuda te donošenju Odluke o izboru Agencije – najboljeg ponuđača.

Konstatirano je da su tri ponude dostavljene blagovremeno u ostavljenom roku.

Urednu dokumentaciju u potpunosti su imale ponude pristigle od „Babić-Bisstours“ d.o.o i „Almy travel“ d.o.o. Zenica dok Divan-Karupović d.o.o. Travnik nije imao urednu dokumentaciju te njihova ponuda nije uzeta u razmatranje.

Divan-Karupović d.o.o. Travnik dostavio je Rješenje o registraciji iz sudskog registra, Aktuelni izvod iz sudskog registra (izdato dana 05.03.2020. godine, a ovjereno dana 12.01.2023. godine), a zahtjevom za dostavu ponuda za pružanje usluga izvođenja ekskurzije u školskoj 2022/2023. godini bilo je propisano da je potrebno dostaviti Ovjerenu kopiju Rješenja iz sudskog registra, **ne starijeg od 90 dana.**

Divan-Karupović d.o.o. Travnik dostavio je neovjerenu kopiju Uvjerenja ID broja poreznog obveznika, a zahtjevom za dostavu ponuda za pružanje usluga izvođenja ekskurzije u školskoj 2022/2023. godini bilo je propisano da je potrebno dostaviti Ovjerenu kopiju Uvjerenja ID broja poreznog obveznika.

Komisija poslije stručne ocjene ponuda konstatira da shodno utvrđenim kriterijima **najbolja ponuda je ponuda „Babić-Bisstours“ d.o.o. Zenica** jer je u cjenovnom pogledu povoljnija od ponude „Almy travel“ d.o.o. Zenica, te Program putovanja na destinaciji Venecija – Rim – Firenca koji su ponudili „Babić-Bisstours“ d.o.o. Zenica ispunjava odgojno-obrazovne ciljeve ekskurzije te u cijenu aranžmana je uračunato osiguranje, gratis obilazak Bolonje, Firenze, Pise i Trsta, predviđena su gratis mjesta za razrednike na svakih 17 učenika 1 nastavnik gratis kao i dva gratis mjesta za učenike.

Shodno navedenom odlučeno je kao u dispozitivu.

POUKA O PRAVNOM LIJEKU: Na ovu Odluku može se izjaviti žalba Školskom odboru u roku od pet (5) dana od dana dostavljanja obavijesti o izboru najboljeg ponuđača.

DIREKTORICA

Kešo Sadina, prof.

Dostaviti:

- „Babić-Bisstours“ d.o.o. Zenica
- „Almy travel“ d.o.o. Zenica
- Divan-Karupović d.o.o. Travnik
- Komisiji za izbor najpovoljnije ponude
- a/a